

## Yudas Leta Yudasimna Iriki Leta **Isipkita Yitkak**

Onggityam leta irika riga re Yudaste. Nangga pena ton tilenggyam b'agenayonj Yakobomna yinggan ke re nokip Yakobo re komkesa sosi wingirind ongwati riga na yibnonj. I osiemb nanyinggan re Yesumna yinggan i. I ton onggityam leta yirikonj re ama rika A.D. siksti powa (64) kemag nat.

I Yudas itemb leta yirikonj nokip ton singi awonj nonony omnena b'anyginena ouyaena riga gatab yepiya re b'agenaento da ton re gar ke utkunda riga im. Si itemb leta iriki re kutjog e rinte re yipa wip iriki yibim Nimogim Petromna Leta kima. I ket Yudas ogenka riga ugoiny da, "Win geja omnikam owinkina waina gar ke utkunda mile uwogam rina re God yipapyam komkesa Tina riga wa akainonj."

### *Simesime Yitkak*

<sup>1</sup> Simesime! Kon re Yesu Kerisomna wiiko riga en, dide Yakobomna yinggan Yudasten. I kon itemb leta yiriken re wa pilwa e yena re Abu God ara emokinonj i Ton singi eyeniny i dide Yesu Keriso yir ipka eyeniny.

<sup>2</sup> Si kear i ngimbla i dide singi wa pilind ukojog b'usmurena wowen Godim pilke!

### *B'anyginena Ouyaena Riga wa B'isagika*

**3** Kor rigawar yena re kon singi eyeninyin! Kon pop kupkakupka danda kima singi aukenenond wa pilwa peba irikam yirkokar okata yitkak gatab rinte re men komkesa gar ke utkunda rigap yipand gilgil yokatenenu. Aji yu kon b'ipinsin da kor kemb iminjog win nokatau wanim peba irikam, nokip ingkaimemb wen tugoinyin da win b'ogla geja b'itiyenindam waina gar ke utkunda uwogam rina re God yipapyam akainonj komkesa yina riga wa.

**4** Mop nokip kea ninda riga yidir kesa bigarkito wa wingirind. Si ton re Godim ewangaya kesa riga im, i ton engendenenanj mera Godimna wurarde negir omnika mile wa, i dide ton kea yoeneno mera yipaina nena Ukoyam dide Yonggyam Yesu Kerisond. Si b'ila iriki peba wingirind ija emb ji naska kana yinden yowa gatab da, ton opima iminjog takatenanj odede wip negir ma bisagika rina re God aramiteninonj.

**5** I kon wumir en da, win re wumir im onggityam komkesa mile gatab rina re Yonggyam amnikinonj, aji kon singi en wen busaya nonony onnam onggit gatab. Si b'ila Yonggyam kea Tina Israel riga apenjinonj Ejipt gou ke, aji daka yimta ke Ton negir amninonj yepiya re maka Tinim gar ke utkunda yoramiteno.

**6** I God aneru wa agoninonj danda towanim ingaenam, aji ninda anerup maka owama eyento onggityam towainajog danda, si ton kea yiraro towainajog wimenapu pipmet. Si God opimemb aneru kea dadal ngirpu kesa sein kai ke ejobikinonj, dide owama eyeniny ukoi sibib borand ngirpu ra Tina ukojog bisagika bibir ik

dem.

<sup>7</sup> I Sodom ake Gomora dide ninda wuswus taun rigap, toda kwa kea odede yipa wiip nya yimayo rina re aneru wuwonj. Si ton negir b'iyena mile amnikenento, i kwa b'enga wiip b'iyena mile yimta yundoko rina re God maka engainonj omnikam. Si onggit penaemb God towa negir ma b'isagika akainonj wul ke imbrikam. I ingkenaemb Ton naska kana wingata aramitawonj riga wa da ita Ton ngirpu kesa wul ke negir ma b'isagika omnik dem.

<sup>8</sup> I dide kwa onggit rigap yena re wimat wiip amneniny mile omnikam, todaka odede yipa wiip nya kaim towaina ji engaenenanji kikil mile omnikam. I ton Godimna danda ke wiip omnena riga esaenenanji. I dide ton b'ogil inyomarena kima God ma omniki wub kumb riga esadrenenanji.

<sup>9</sup> I mopyam aneru, Mikael kea Satana kima yit b'ipatenonda, i ket yit b'ugwateronnda Mosemna ujgim gatab. Si ton pop opulitam yomnonj negir ma b'isagika yit tin isadrena yit kima, aji ton God na moga yuwadonj, i odedep maka yopulitonj. Aji ton yindonj da, "Toko Yonggyam samany meyou."

<sup>10</sup> Aji opimemb wiima yimta undoka rigap esadrenenanji gasa rinsim re ton maka wumir aukenenanji. I ton re b'angga pila im rinsim re maka b'auyaenenanji wumir okatam. Si ton get ke okati ipindena wumir kaim gasa angwatenenanji. I onggityam towaina ongwati milepim ten negir amnikenenanji.

<sup>11</sup> Ukoi kear towanim, ri dede sake im takatanji! Ton inte nya yundokenenyi rina re Kain negir mile omnikand yikenonj. I ton kwa b'ururkenenanji

onggityam nya wa rina re Balaam yikenonj negir kaokao nya ke mira wulkip okatam. I dide ton kwa God kima geja b'iyenenanj, i negir aukenenanj odede it re ringmena re Kora Godimna danda okai Mose ake Aron esadrenenonj tina riga kima, i ton ket odede nya kenaemb God kima geja b'iyenenonj. Si ingkenaemb tina riga kima negir aukito.

**12** I ra opimemb riga yipand gilgil diyam taukanj waina singi b'iyena diyamdiyampund, ton isanikesa jabajaba owou awenenanj. Si ton wa wingirind kil kima riga im aukenenanj. I ton pop riga yir ipkam wip iyo riga im wekeny, aji ton ma opima riga yir ipka eyenanj, aji ton towalenggyam nena im yir b'ipka wuweny. I towaina ouyaena re piro kesa moi nena pila im rinsim re ribit uturenenaniny. I kwa towaina mile omnika re odede wip im ringmim re wul nanggip towaina wulkip win yokatenyi aji kip kesa im wekeny, nokip kea uj aukito dide ket nimogim ujim re ap uromki im rogilkak wekeny.

**13** I kwa onggit rigap towaina negir omnika ke ingar kima mile im pitapita amnikenenanj odede opi re ukoi oror wuro re dide ringmim re negir au b'iskenenanj nyi bora ke de sipa yuru wa. I ton re iki pila im rinsim re God ma oramiti nya asungairanj, dide wuweny rokate re God towanim dadal ngirpu kesa ukojog sibib ongonjeni awamau.

**14** I dide kwa Adamim pilke sebenim (7) b'usmureni b'iga Enok onggit riga wa gatab bage yit yindonj da, "Yir de, Yonggyam iminjog ita ik

Tina ogenka kesa jogjog\* yina aneru kima.

**15** I Ton ik ra komkesa riga wa pilind b'isagika omnika ma dide kikitum isagika yit omna mim komkesa Godind ewangaya kesa riga wa pilwa. Si Ton opima kikitum isagika yit tamniny dem komkesa towaina omniki Godind ewangaya kesa mile gatab dide komkesa negirjog danda kima yit gatab rina re Godind ewangaya kesa negir mile rigap Tinim apurenento.”

**16** Si opimemb riga re yit b'ebongnena riga im, i b'injawa riga im. I ton re towainajog gim ke mile singi nasim wuweneny, dide ton towaina tugim ke b'asourena yit im apurenenanj. I ton kwa riga wa pilwa b'anyginena b'ogil yit apurenenanj i ingkaimemb ket b'umunena mile amnikenenanj b'ogil gasa imdam.

### *B'ugowa Yit dide B'ingawa Yit*

**17** Kor rigawar yena re kon singi eyeninyin! Ajî win b'ogla nonyind tawamindam onggityam yitkak rina re mera Yonggyam Yesu Kerisomna itmikitijog rigap naska kana apurento.

**18** Si ton ija naemb ji wanîm endento da, “Kikitum winind opima wa wingirind yitkar riga pita taukanj dem, i ton towainajog gim ke mile singi nasim tuweneny, i ingkaimemb ton Godind ewangaya kesa mile tamnikenenanj dem.”

**19** Si onggit rigapimemb ji bu b'iyena mile amnikenenanj wa wingirind. I ton re gim ke negir mile nasim nony menamena amnikenenanj, ajî ton re ma Yinayina Wingawinga kima im.

---

\* **1:14:** Grik peband da “jogjog ten tausin (10,000)”.

**20** Kor rigawar yena re kon singi eyeninyin! Aji wín b'ogla walenggyam walenggyam yím b'atkaenenindam owínkam waina gar ke utkunda ke rína re Yinayína God akainonj. Dide wín b'ogla yír topmitenenindam Yinayína Wingawingamna danda ke.

**21** I wín b'ogla wímena tuwenyit Godimna singi b'iyena mile wingírind i ingkaim wín walenggyam b'ulongkena tuwenyit negírim pilke. Dide wín b'ogla iminjog nony ijawa kíma yír ungaokenenya mera Yonggyam Yesu Kerisomna kear ngírpu wín okasya dem dadal ngírpu kesa yírkokar.

**22** I wín b'ogla kear ten tamnenindam yepim re nonysipsip aukenenanj gar ke okati God ma yít gatab.

**23** I ninda ríga wuweny re b'isagikapu wul wa im, si wín b'ogla onggityam wulim pilke ten tadikenenindam yírkokar okawam. I ninda ríga re kil kíma im aukenenanj towaina negír mile ke, si wín b'ogla ten kear tamnenindam mogá kíma, aji singi kesa tamnenindam towaina kobírgim rína re ton kea kil kíma amníkto towaina negír mile omníka wingírind.

### *B'ogil Omna Yít*

**24** God re danda e, si Ton rírir e negír mile ke ombombrena kesa wen owamam, dide b'injawa kesa ukoi sam kíma wen tawinkiny dem Ti wípind rokate re Tina b'ogil inyomarena yíbim.

**25** God re mera Yonggyam Yesu Keriso na yingawonj yírkokar okawam. Si Ti pilkaimemb b'ogil inyomarena i ukojog esourena kíma danda i danda i dide juwai mera yípaina God, Ton kíma

yete re yirkokar okawa Riga ngirpu kesa naskand  
b'ilap wîn dide yunîm i dide waritawarîta dadal  
ngîrpu kesa, iminjog!

**Wipi Yit God ma Yina Sisil Yina Peba  
The New Testament in the Wipi Language of Papua  
New Guinea  
Nupela Testamen long tokples Wipi long Niugini**

Copyright © 2001 The Bible Society of Papua New Guinea

Language: Wipi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-10-13

---

PDF generated using Haiola and XeLaTeX on 28 Dec 2024 from source files  
dated 31 Aug 2023

a5a5213a-fb12-52b5-9c99-efb8044c6646